

**Nioqputissanik eqqusuinermi akitsuutit pillugit Inatsisartut inatsisaata
allangortinnissaanut, taamaasilluni tipigissaatit, pinneraatit eqqiluisaarnermullu
atortut eqqussinermut akitsuutaat (Akitsuutit normuat 090) peerneqarluni,
Naalackersuisut siunnersuummik saqqummiussaqaarnissaannik piumaffigineqassasut
Inatsisartut aalajangiiffigisassaattut siunnersuut
*Nivi Olsenimit, Demokraatit, saqqummiunneqartoq***

kiisalu

**Nioqputissanik eqqusuinermi akitsuutit pillugit Inatsisartut inatsisaata
allangortinneqarnera pillugu Inatsisartut inatsisaat
*Aningaasaqarnermut Akileraartarnermullu Naalackersuisoq***

pillugit

Aningaasaqarnermut Akileraartarnermullu Ataatsimiititaliap

siunnersuutit aappasaaneerreqarnerannut

ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik
ilaasortarai:

Inatsisartunut ilaasortaq Asii Chemnitz Narup, Inuit Ataqtigii, siulittaasoq
Inatsisartunut ilaasortaq Pele Broberg, Naleraq, siulittaasup tullia
Inatsisartunut ilaasortaq Peter Olsen, Inuit Ataqtigii
Inatsisartunut ilaasortaq Pipaluk Lynge, Inuit Ataqtigii
Inatsisartunut ilaasortaq Kuno Fencker, Siumut
Inatsisartunut ilaasortaq Karl Tobiassen, Siumut
Inatsisartunut ilaasortaq Jens Frederik Nielsen, Demokraatit

UPA 2024-mi ulloq 23. april 2024 siullermeerinninnerup kingorna ataatsimiititaliap sunner-
suutit misissorpai.

1. Siunnersuutit imarisaat siunertaallu

Immikkoortut UPA 2024/97 aamma UPA 2024/161 siullermeerinninnermi ataatsimoortillugit suliarineqarput. Tamannalu tunngavigalugu immikkoortut pineqartut marluk pillugit ataatsimiititaliaq matumuuna ataatsimoortumik isumaliutissiissuteqarpoq.

Nioqqutissanik eqqussuinnermi akitsuutit, nioqqutissanut akit innuttaasut amerlasuut nalinginnaasumik atuinerannut sunniuteqartut, appartinneqarnissaat atorunnaarsinneqarnissaallu siunnersuuteqartut marluusut siunnersuuteqarnerminni siunertaraat. Nioqqutissat akikinnerulernerisigut siunnersuutit nunatsinni innuttaasut inuuniarnerisa oqinnerulernerannut peqataaqataassapput.

Siunnersuuteqartup UPA 2024/97-imi siunertaraa tipigissaatit, pinnerfaatit eqqiluisaarnermullu atortut eqqussinnermut akitsuutaasa (akitsuutit normuat 090) peerneqarnissaat.

Innuttaasut akissaqarnerulernissaat qanoq qulakkeerreqarsinnaanersoq naalakkersuinikkut suliaqartunit eqqumaffigineqartuarnissaata pingaaruteqarnera siunnersuuteqartumit tunngavilersuutigineqarpoq. Tamatuma peqatigisaanik nioqqutissat taaneqartut ulluinnarni pisariaqartutut siunnersuuteqartumit taaneqarput.

UPA2024/161-imi siunnersuuteqartup siunnersuutigaa sukkunut, sirupinut, glukosenut il.il. kiisalu tipigissaatinut, pinnerfaatinut eqqiluisaarnermut atortunut il.il. akitsuutit atorunnaarsinneqassasut. Kiisalu Qaanaamut, Ittoqqortoormiinut imaluunniit Tasiilamut eqqussinnermi mineralvandinut, sodavandinut, limonadinut akitsuutitut immikkut ittumik annertussusisaliussaq atorunnaarsinneqassasoq siunnersuutigineqarpoq.

Siunnersuutigineqarpoq mineralvandinut, sodavandinut, limonadinut aammalu imeruusaatinut kulsyretalinnut ethanolitaqanngitsunut akitsuutit nuna tamakkerlugu 5 kr. 75 ørenik annertussuseqalersinneqassasut.

Qummoroortartunut akitsuut maannakkut fakturap akiata 50 procentianut appartinneqassasoq siunnersuutigineqarpoq.

Ajoraluartumilli paasinarsisimavoq inatsimmi aalajangersakkap kalaallisoortaa tamakkii-suunngitsaq, taamaattumillu oqaasertaata erseqqissarneqarnissaa siunnersuutigineqarpoq.

2. Siunnersuutit Inatsisartunit siullermeerneqarnerat

Immikkoortut ataatsimoortillugit suliarineqarput. UPA2024/161 amerlanerussuteqarfiuvoq, immikkoortorli UPA2024/97 amerlanerussuteqartunit taparserneqarani. Tamatuma kingorna siunnersuutit Aningaasaqarnermut Akileraartarnermullu Ataatsimiititaliamit suliarineqartus-sanngorlugit innersuunneqarput.

3. Immikkoortoq UPA2024/161-ip tusarniutigineqarnera

Siunnersuut tamanut tusarniutigineqarani Namminersorlutik Oqartussani Naalakkersuisoqarfinnut taamaallaat tusarniutigineqarsimasooq ataatsimiititaliamit maluginiarneqarpoq. Inatsissatut siunnersuutit tamarmik saqqummiunneqarnissartik sioqqullugu tamanut tusarniutigi-

neqartarnissaat ataatsimiititaliamit Naalakkersuisunut kaammattuutigineqassaaq. Ataatsimiititaliaq isumaqarpoq tusarniaanermik ingerlatsisarnerit inatsisiliornermi ammanerusumik ingerlatsinissamik pilersitsiniarnermi pingaaruteqartuullutillu pisariaqartuusut. Tamatuma saniatigut tusarniaasarnerit inatsimmik piareersaalluni sulinerup pitsaassusissaanut siuarsaataasut ataatsimiititaliamit qularutigineqanngilaq.

4. Ataatsimiititaliap siunnersuummik suliarinninnera

Ataatsimiititaliamit maluginiarneqarpoq Naalakkersuisut siunnersuutaat siullermeerinninnermi amerlanerussuteqarfiusoq, Nivi Olsenilli siunnersuutaa (UPA2024/97) taama annertutigisumik taperserineqanngitsoq. Kiisalu allannguutissatut siunnersuummik, poortuutissanut akitsuutip aamma peerneqarneranik nassataqartussamik, saqqummiusseqqullugu ataatsimiititaliaq kaammattorneqartoq ataatsimiititaliamit maluginiarneqarpoq. Aammalu kaammattuut alla ataatsimiititaliamut saqqummiunneqarpoq, tassalu qummoroortaatitut akitsuut peerneqassappat inuiaqatigiit aningaasaqarnikkut qanoq kinguneqarnissaata misissorneqartariaqarnera.

Akilerartarnermik akitsuusiisarnermillu iluarsaaqqinnissami, naalakkersuisooqatigiinniit taamaallaat atsiorneqartumi, immikkoortoq 161-ip alloriarnertut siullertut naalakkersuisooqatigiinniit isigineqarnera siullermeerinninnermi oqaaseqaatigineqartutigit ersersinneqartoq ataatsimiititaliamit maluginiarneqarpoq.

Poortuutissanut akitsuutip peerneqarnissaa siunertaralugu allannguutissatut siunnersuummik saqqummiussinissamik kaammattuummot tunngatillugu Inatsisartut oqaluuserisassani UPA 2024/115-imik, poortuutissanut akitsuummot tunngarpiartumik, suliarinninnerat ataatsimiititaliamit innersuussutigineqassaaq.

Siuliani allassimasut tunngavigalugu ataatsimiititaliaq ima kaammattuuteqassaaq:

Naalakkersuisut allannguutissatut siunnersuummik saqqummiusseqqullugit ataatsimiititaliami amerlanerussuteqartunit Inuit Ataqatigiinniit Siumumillu kaammattorneqarput, taamaaliornikkut qummoroortartunik eqqussuinnermi akitsuutip fakturap akiata 50 procentianut appartinneqarnissaanik Naalakkersuisut siunnersuutaat siunnersuummit peerneqassalluni.

Qummoroortartunik eqqussuinnermi akitsuutip fakturap akiata 0 procentianut appartinneqarnissaanik nassataqartumik allannguutissatut siunnersuummik saqqummiusseqqullugit Naalakkersuisut ataatsimiititaliami ikinnerussuteqartunit Demokraatinit kaammattorneqarput.

5. Siunnersuutit aningaasaqarnikkut kingunerisassa

Siunnersuutit aningaasaqarnikkut allaffissornikkullu kingunerisassaannik allaaserisat ataatsimiititaliamit tusaatissatut tiguneqarput.

6. Ataatsimiititaliap inassuteqaatai

UPA2024/97 pillugu:

Siunnersuut itigartinneqassasoq ataatsimiititaliami amerlanerussuteqartut inassutigaat.

UPA2024/161 pillugu:

Amerlanerussuteqartut kaammattuutaat naapertorlugu Naalakkersuisut allannguutissatut siunnersuummik saqqummiussereerneranni siunnersuut ilusimisut iluseqartoq akuerineqassasoq ataatsimiititaliami amerlanerussuteqartut Inuit Ataqatigiit Siumullu inassutigaat.

Ikinnerussuteqartut kaammattuutaat naapertorlugu Naalakkersuisut allannguutissatut siunnersuummik saqqummiussereerneranni siunnersuut ilusimisut iluseqartoq akuerineqassasoq ataatsimiititaliami ikinnerussuteqartut Demokraatit inassutigaat.

20. maj 2024

UPA2024/97
UPA2024/161

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappassaaniigassanngortippai.

Asii Chemnitz Narup
Siulittaasoq

Pele Broberg
Siulittaasup tullia

Karl Tobiassen

Pipaluk Lyngø

Kuno Fencker

Peter Olsen

Jens-Frederik Nielsen

UPA2024/97
UPA2024/161
J.nr.: 01.25.01/24FM-LABU-00097
J.nr.: 01.25.01/24FM-LABU-00161
01.31.03-00082 / 01.31.03-00087